

جَزَائِرِ حَاكِمَتِ

جمعه ایرتسی

نومرو	صفرو	سنه	یاس	سنه	صفحه
۱۰۸۴	۴	۱۳۱۸	۲۰	۱۳۱۶	۱۵۲۱۱

(اشبه غزنه بهر هفته جمعه ایرتسی کوندری بیقرار . نه لکی در سعادت ایچونه مجیدیه بکرمی غروسه)
 (مسایله التمه غروسه . طشه لر ایچونه اوله بسه غروسه یوسه اجرتی ضم اولنور . بهر)
 (نسخه سی بنه مجیدیه بکرمی غروسه اولو اوزره یوزیاره به هریده صایلور . درج اوله بهر اعلانانک)
 (هربرنده برمجیدیه اخذ اولنور . نه لکه مشتری اولو استیاند عدلیه نظارتی دایره سنده فائده جریده)
 (حاکم اداره نه مراجعت ایلیمیر .)

قسمت سومی

مقاولات محرر لکلرنجه مجاناً تصدیق حقننده
 مجلس مخصوص وکلا قرار یله بالاستیدان ۲۸
 حزران سنه ۳۰۷ تاریخنده شرف صادر اولان
 اراده سنیه جناب خلافتیناهی حکم منفی مأمورین
 موقته مختص ایکن اخیراً مأمورین موقه دن
 بولنمیان بعض مأمورین و تحصیلدارانده شامل
 طوتلایفندن وبوصورت محدود و مقید اولان
 بر مساعدنه ک رفته رفته دایره سرایتی توسیع
 و مقاولات محرر لکلری حاصلاتی تقیص
 ایدم جکندن بختله معاش و عوایدی بشیوز غروشه

(فی ۴ مایس سنه ۳۱۶ تاریخیه عموم ولایات)
 (شاهانه استیناف حکمیه مدعی عمومیلرینه)
 (ومدعی عمومی بولنمیان محلل مدعی عمومی)
 (معاونلرینه یازیلان تحریرات عمومیه صورتیدر)
 معاش و عوایدی بشیوز غروشه قدر
 اولان مأمورین و کتبه موقته کفالت سندانک

قدر اولان يالكز مأمورين موقته حقنده و تحت اراده سنيه ملوكانده بولسان قرار مذكورك محافظه احكامنه اعتنا اولنوب مأموريتلری موقت اوليانلرك بومساعده دن استثناسی لزومك نظارت اشعاری اوزرينه شورای دولت تنظيميات دائره سندن با مضبطه افاده وانبا ودوائر لازمهيه تبليغات ايفا قلنديني ۲ ذی الحجه سنه ۳۱۷ و ۲۰ مارت سنه ۳۱۶ تاريخی تذکره ساميهده ازابار

قسم غیر رسمی

منتشا سنجای بدایت محکمه سی جزا دائره سنك اوچوز اون بش سنه سی استاتستیک جدولدر

ملاحظات	۱۳۰۰	۱۳۰۱	۱۳۰۲
اوچوز اون دوت سنه سندن مدور	۰	۱	۴
اوچوز اون بش سنه سنده ورود ایدن	۴۶۲	۲۶	۷۳
يكون	۴۶۲	۲۷	۷۷
اوچوز اون بش سنه سنده رؤیت اولنان	۴۶۲	۲۷	۷۵
اوچوز اون آلتی سنه سنه دور اولنان	۰۰۰	۰۰	۲

در سعادتده قوم قیوده استاسیون جوارنده مقیم بویاجی اوغلی صماجی طناش ایله قره مرسل قصبه سنده مقیم طاهر پاشا زاده طاهر وویسی بکدر بینلرنده محدث دعوايه دائر اذمید بدایت

محکمه سندن استیناف صفی و ۶ نیشان سنه ۳۱۴ تاریخى واون اوج عددی ایله ویریلان اعلامك تصدیقی متضمن ۲۶ تشرین اول سنه ۳۱۵ تاریخى ویدیوز طقسان اوج عددی ایله

صادر اولان اعلام علیهده تصحیح قرار طلبنی حاوی مرقوم طناش طرفندن اعطا قلنان مرصحاك اسباب آتیهدن طولای قیولی قرار کیر اولدندن صکره اعلام مذکور اوراق متفرعه سیله بالمطالعه تدقیقات تمیزیه اجراسنه امتدار اولندی

اعلام مذکورك خلاصه مالى مرقوم طناشك مومی الیهما طاهر وویسی بکدرك مورث ویدرلری طاهر پاشانك حال حیاتنده بینلرنده منعقد مقاوله موجبیه مبیاعه ایلدیکی معلوم المقدار صمانك وقت معینه طرفه تسلیم اولنمسنندن طولای صمان بدلی اوله رق پاشای مومی الیهدن طلب ایلدیکی التمش ایکی بیک ایکوز اوتوز بش غروشك تحصیلی حقنده مقدا استحصا ایلدیکی اعلام حکمنك پاشای مومی الیهك وفاتی ملاسه سیله وره سندن مومی الیهما طاهر وویسی بکدرن اخذ واستیفا اولنمش ایسهده اولبابده دوچار اولدینی ضرر وزیانك کشیده ایلدیکی پروتستو موجبیه مومی الیهامان لزوم تحصیلی یولنده اقامه ایلدیکی دهوانك سبق ایدن محاکمه وتدقیقاتی نتیجه سنده مدعی مرقومك پروتستو کشیده سندن صکره مبلغ محکومیه کاملاً استیفا ایلدیکی عند المحاکمه ابراز اولنان سند مندرجاتی

وبوبابده کی اقراریه مثبت بولنمش اولدیغندن مرقومك تأخیر تأدیات اولنمشی ضمنده کشیده ایلدیکی سالف الذکر پروتستوی سر رشته اتحادیه بکدرار ضرر وزیان ادعاسنه صلاحیتی اوله میه جفندن مدعی مرقومك بوبابده کی ادعاسنك ردینه دائر ویریلان اعلامی مرقوم طناش عدم قبول ایله استیناف دعوی ایتیش ایسهده الی ماه مدت بلاعذر تعقیب دعوی ایتامسندن ناشی اصول محاکمه حقوقیه قانونك یوز طقسان دردنجی ماده سی موجبیه استیناف استدعایه سنك سقوطنه حکمن و اشبو حکم علیهده مستدعینك لایحه سنده محرر باشلوجه اعتراضی دعواى استینافیه نك الی ماه مدت تعقیب ایلامسندن طولای استدعای واقعه سقوطنه قرار ویرلش ایسهده حالبوکه دعوی بر حکم وقراره اقتران ایلدیکی وبنابرین بو مثللو مقررانك اعطاسندن صکره سقوط استدعایه قرار ویریله چکی حقنده بر ماده قانونیه موجود اولدینی حالد محکمه جه استدعای مذکورك سقوطنه قرار ویرلشی مغایر قانون اولدیغندن بحکله اعلامك نقضی استدعاسندن ومدعی علیه مانك لایحه لرنده مندرج نتیجه جوابی دخی اعتراض مذکورك واهی اولدینی بیانیله ردی وموافق قانون اولان اعلامك تصدیقی

طلبیدن عبارت اولوب محکمه تمیزجه دخی اعلام
میزبه مذکور تصدیق اولمشیدی

ایجابی لدی المذاکره مرقوم طناش سالف
الذکر تصحیح قرار عرضالنده کندوسی هر تقدیر
استیناف محکمه سنده مستأنف بولتمش ایسده
استیناف محکمه سنجه درجه اولی محکمه سی اعلامی
فسخ ایدیلهرک کیفیتیکدن رؤیتنه قرار ویرلیدی
جهتله ارتق مستأنف بدایت محکمه سنده کی حاله
عودت ایش اولدیغندن محکمه مذکوره ده
کندوسنه مستأنف نظریله باقیله رق اولباده کی
استیناف دعواسنی الی آی مدت تعقیب
ایتمامسندن ناشی ردینه قرار ویرلمسی مغایر قانون
اولدینی بیان وادعا قلمش ولدی التذقیق اعتراض
مذکور وارد اولدینی حاله هر فصله محکمه جه
ذهولاً حکم استینافینک تصدیقه قرار ویرلمش
وبوایسه استدعای مذکورک قبولی موجب
اسباب قانونیه دن کورتمش اولغله عرضحال
مذکورک بوقطه دن قبولیه اصول محاکمه
حقوقیه قانوننک ایکوز اتوز ایکجی ماده سی
موجبجه اعلام مذکورک سبب قبول دأره سنده
تفضیله دأره اعلامنک اصلاح حکمنه وقانون
مزبورک ایکوز قرق دردنجی ماده سی حکمنه
توفیقاً کیفیتک اعلامه ربطی ضمیمه محکمه

مذکوره به اعاده سنده ومستدعی مرقومک فقر
حاله مبنی صورت ونبلیغ خرجلرندن عفوایله
زیرده مفرداتی محرر یوز یکریمی یدی غروش
مصارف تمیزیه نک ایلروده حقسنز چیقہ جق طرفه
عائد اولق اوزره اول امرده مستدعی طناشدن
اخذینه ۱۹ شباط سنه ۳۱۵ تاریخنده متفقاً قرار
ویرلیدی .

انطالیه قضاسنه تابع یانکوی قریه سنده
مقیم صاری محمد ایله انطالیه ده ساکن تجارندن
استاوری اریاندا کی پینده متحدت دعوایه دأر
تکه بدایت محکمه سندن ۳۱ کانون اول سنه ۳۰۷
تاریخی و یوز یکریمی سکز عددی ایله صادر
اولان اعلام مزبور صاری محمد طرفندن تمیز
اولغله اعلام مذکور مستدعینک لایحه
اعتراضیه سیله بالمطالعہ تدقیقات تمیزیه اجراسنه
ابتدار اولندی

اعلام مذکورک خلاصه مالی مزبور

استاوری اریاندا کینک مرقوم صاری محمد ایله
متوفی کوک احمد ورنه سندن مصطفی علیهنده
اقامه ایلدیکی اراضی دعواسنه دأر تکه بدایت
محکمه سندن غیاباً صادر اولان اعلام حکمنه
مزبور محمد جانبندن اعتراض ایدیلهرک جریان
ایدن محاکمه ده اراضی منازع فیهانک کندوسنه
عائدینه دأر مرقوم استاورینک اقراری سبقت
ایلدیکی بیانیله اعلام غیابی حکمنک فسخی بسطوانبا
ایلمسی ومعترض علیه استاوری دخی متوفای
مرقوم کوک احمدک زوجہ سی کلثوم خاتون ایله
کندی پینده تحدت ایدن حدود منازعه سنک
انهای محاکمه سنده معترض مرقوم منازع فیه
اراضیه کندوسنک ذی الید ومتصرف بولدیغنه
شهادت ایش اولدینی جهتله اعتراضاً درمیان
ایلدیکی مدافعه سنک ردینی افاده ودرمیان ایلمسی
اوزرینه اجرا قلنان محاکمه وتدقیقات نتیجه سنده
منازع فیه اراضینک هیئت مجموعه سی اخراک مالی
اولدیغنه دأر معترض مرقوم محمدک اولجه ادای
شهادت انناسنده اقراری مسبوق اولدینی مطالعه
ایدیلان اعلامات مندرجاتیه ثابت اولدیغندن
مجله نک بیک التیوز یکریمی سکز و بیک التیوز
قرق سکزنجی ماده لری موجبجه دعوا ی
مذکوره نک ردینه و اعلام سابق موجبجه

ایجابی مذاکره اولندقدہ دعوا ی واقعہ
اراضیہ متعلق اولدینی جهتله توجه خصوصت
ضمینده اول امرده ذی الیدک بالینه اثبات
ایتدیرلمسی لازم کلورکن بوجهتدن ذهول
ایلدیکی کبی مذکور اراضینک کیمک نامنه مقید
اولدینک اراضی مأمورندن استفساریله اجرای
تدقیقات ایدیلهرک تبیین ایدہ جک حاله کوره حکم
اولتمق مقتضی ایکن بوجهتک دخی مسکوت عنه
براغلسی مخالف قانون اولدیغنه بناء اصول
محاکمه حقوقیه قانوننک ایکوز قرق برنجی
ماده سی موجبجه اعلام مذکورک تفضیله قانون
مزبورک ایکوز قرق دردنجی ماده سی حکمنه
توفیقاً کیفیتک قانون دأره سنده بالرؤیه اعلامه

ربطی ضمنند محکمه مذکوریه اعاده سه وزیرده
مفرداتی مرقم اوچوز التمش یدی بحق غروش
مصارف تمیزیه نك ایلروده حقسز چقه حق طرفه
عائد اولق اوزره اول امرده مستدعیین
استیفا سه ۲۶ تموز سه ۳۱۵ تاریخنده متفقاً
قرار ویرلدی .

نوشهر قصباسنده ساکن پاپا طناش اوغلی ترزی
انسطاش ایله قصبه مزبورده نك خروستیان خیرتبه
محل سنده مقیم صراف طوسون اوغلی دامادی
بدوس بیننده محدث دعوایه دأر نوشهر بدایت
محکمه سندن ۶ تشرین ثانی سه ۳۰۶ تاریخی
واوتوزیش عددی ایله صادر اولان اعلام مزبور
انسطاش طرفندن تمیز ایدملکه اعلام مذکور
مستدعی مرقومک لایحه اعتراضیه سیله بالمطالع
تدقیقات تمیزیه اجرا سه ابدار اولندی

اعلام مذکورک خلاصه مالی مزبور
بدوسک برقطعه سند موجب مرقوم انسطاش

ذمتده مطلوبی اولان قرق عدد لیرای عثمانیک
اجرای موقته تحصیلتی نوشهر بدایت محکمه سه
بالمراجعه طلب ودعوی ومستند دعوی اولان
سندی ابراز واعطا ایتسه قارشو مدعی علیه
مرقوم طناش مبرز سنده کی امضاسی وحاوی
اولدینی مبالغدن درت لیراسی بعد الاقرار متبایسی
ایچون اقرارنده کاذب اولدینی تذکار ایتسی
ومدعی مزبور دخی تحت انکار ده بولسان
مبلغ متبایک مدعی علیه مرقومک زوج سه
بولیجه اوله رق تسویه ایدلیکنی علاوه مدعا
ایتمی وبوصورتی مدعی علیه انکار ایتسی
اوزرینه اول امرده بقیه مطلوبی حقنده مدعی
مزبورک بوجه مشروح سرد ایدلیکی مدعاسنک
اثباتی لزومی قرار گیر اولمش ایهده الحق اجرا
قلنان محاکمه وتدقیقات نتیجه سنده مبلغ مدعا به
تحت اقرارده بولسان مضمون ومرسوم دین
سندینه مستند اولسیله محله نك بیک التوز
اونجی ماده سی موجب مدعی علیه مرقومک
حاوی اولدینی مبالغی انکار ایتسی شایان اعتبار
اوله میه جفندن مذکور حکمه توفیقاً مبلغ مدعا به
مذکورک مع اجرای موقت مرقوم انسطاشدن
تحصیلنه حکمدن ومستدعی تمیز انسطاشک
اشبو حکم علیهنده لایحه سنده مندرج اعتراضاتک

باشلوجه سی مبلغ مدعایک اوتوز التی لیراسی
بولیجه اوله رق زوج سه تأدیه وتسویه ایدلمش
اولدینی عند المحاکمه مدعی جانبندن درمیان
اولنسی اوزرینه محکمه جه دفع مذکورک اثباته
قرار ویرلشیکن قرار مذکوردن رجوع اولنسی
مغایر اصول وقانون اولدینندن محله اعلام
مذکورک نقضی استدعاسندن عبارت بولمشدر

ایجابی مذاکره اولندقه اعلام مذکور
مطالع سندن منقهم اولدینی اوزره مدعی علیه
مستند حکم اولان سندک حاوی اولدینی الحقندن
درت لیراسی اخذ ایدوب اوتوز التی لیراسی
اخذ ایتدیکندن مبلغ مذکورکی اخذ ایدلیکنه
دأر سنده کی اقرارنده کاذب ایدوکنی سولسی
اوزرینه مدعی مذکور اوتوز التی لیرای
مدعی علیه ویرلیوب بولیجه اوله رق زوج سه
ویردیکنی سولسی اوزرینه محکمه جه بوصورتی
مدعینک اثبات ایتسه قرار ویرلشیکن بوقرار
دأر سنده معامله ایدلامسی یولسز ومغایر اصول
قانون بولندیننه بناء اصول محاکمه حقوقه قانونک
ایکیوز اوتوز ایکنجی ماده سی موجب اعلام
مذکورک نقضیه قانون مزبورک ایکیوز قرق
درنجی ماده سی حکمه توفیقاً کیفیتک قانون
دأر سنده بالرؤیه اعلامه ربطی ضمنند محکمه

ایلفین قضاسنه تابع رؤس قریه سی اهالی سندن
بلان اوغلی حسن وقره جلی اوغلی حسین
وایوب اوغلی عثمان وحسین وحاجی تمش ایله
ایلفین زراعت بانک شعبه سی بیننده محدث
دعوایه دأر ایلفین بدایت محکمه سندن ۲۴
اغتوس سه ۳۰۴ تاریخی ویتش بش عددی
ایله صادر اولان اعلام مرقومون جانبندن تمیز
ایدملکه باش مدعی همومیلک مأموریت علیه سنک
مطالع نامه سی النقدن صکره اعلام مذکور
یالکز مستدعیلرک لایحه سیله بالمطالع تدقیقات
تمیزیه اجرا سه ابدار اولندی

اعلام مذکور خلاصه مالی شعبه مذکوره وکیلی حفظی افندی مرقوم عثمان ورفقاسنک یکدیگرینه کفیل بالمال اوله رق ملغا منافع صندیغندن اخذ واستقراض ایلدکلی اون ایکیک بشیوز غروشک تحصیلی خصوصی محکمه مذکوره به بالمراجعه طلب ودعوی وبرقطعه سند ابراز واعطاء ایتیش ومدعی علیه لدن یالکز

قرهجه اوغلی حسینک دعوت واقعه به عدم اجابتدن طولایی انک حقدده وکیل مسخر تعینله غیاباً و دیگرلری حقدده و جاهاً جریان ایدن محاکمه وتدقیقات نتیجه سنده مدعی علیهم مرقومونک قریه اهالیسی نامنه مذکور صندوقدن اولقدار اچیه استقراض ایلدکلی حاضر بولنانلرک سبق ایدن اقرارلریله ثابت اولسنه وکیل مسخرک انکار واقعی واهی بولنیش اولدیغندن مجله نیک بیک بشیوز سکسان یدنجی ماده سی موجبیه مبلغ مدعا به مذکورک مع فائض تحصیلنه اجرای موقته حکمدن ومستدعیرک اشبو حکم علیه نه لایحه لرنده مندرج اعتراضلرینک باشلوجه سی زراعت بانقهنه متعلق خصوصانک اثنای رؤیت ومحاكمه سنده مدعی عمومینک حاضر بولدیلمی اقتضا ایدرکن مأمور مومی الیهک حاضر

بولدیلمی مغایر اصول وقانون بولدیغندن مجله اعلام مذکورک نقضی استدعاسندن وسالف الذکر مطالعنامه مالی دخی دعوی واقعه دواتر رسمیه دن معدود اولان زراعت بانقهنه عائد اولدینی حالد اثنای محاکمه مدعی عمومینک بولدیلمی مغایر قانون اولدینی بیانندن عبارت بولنمشدر

ایجابی لدی المذاکره اعلام مذکور مطالعسندن منفعهم اولدینی اوزره دعوی واقعه زراعت بانقهنه عائد اولسنه نظراً اثنای محاکمه مدعی عمومینک حاضر بولدیلمی مطالعسندن استفسار اولنسی اقتضا ایدرکن مدعی عمومی بولنمشدر ومطالعسی التفسیرین دعوی واقعه نیک رؤیت وحکم ایدلمی مغایر اصول وقانون بولدیغنه بناءً اصول محاکمه حقوقیه قانوننک ایکوز اوتوز ایکنجی ماده سی موجبیه اعلام مذکورک نقضیه قانون مزبورک ایکوز قرق دردنچی ماده سی حکمه توفیقاً کیفیتک اولصورته بالرؤیه اعلامیه بطی ضمتده محکمه مذکوره به اعاده سنده وزیرده مفرداتی مرقم اوچیوز طقسان اوچ بچق غروش مصارف تمیزیه نک ایلروده حقسر چیه حق طرفه عائد اولقی اوزره اول امرده

مدعی علیه دن استیفا سنده ۴ تشرین اول سنه ۳۱۵ تاریخنده متفقاً قرار ویرلدی .

خزینة جلیله مالیه الیه لدی اهالیسندن حسن افندی زاده طاهر بک پیننده متکون دعوا به داتر لدی بدایت محکمه سندن ۲۲ کانون ثانی سنه ۳۰۷ تاریخچی و یوز قرق عددی الیه ویریلان اعلام محلی زراعت بانقهنه عائد حصه دن طولایی بانق مذکورک محلی کیلی جانبندن تمیز ایدلمش اولغله باش مدعی عمومیک مأموریت علیه سنک مطالعنامه سی الهرق اعلام مذکور طرفینک اعتراض وجواب لایحه لرله بالمطالعہ تدقیقات تمیزیه اجراسنه ابتدار اولندی

اعلام مذکورک خلاصه مالی مومی الیه طاهر بکک حال حیاتنده التزام ایلدیکی لدی قضاسی داخلنده قونیه وچاندریا قریه لرینک اوچیوز الی سنه سی حاصلات عشریه سی نزول ایدن طولودن طولایی دوچار خسار اوله رق

بویوزدن ایکوز لیرای عثمانی مقداری ضرر وزیانی وقوعبولدیغندن مجله مبلغ مذکورک اعشار نظامنامه سنده توفیقاً بدل التزامدن تنزیلی طلب ودعوی ایتسنه قارشو مدعی علیه خزینة مشار الیها وکیلی دخی کار وضرر ملترملره عائد اولوب اعشار نظامنامه سنده محرر اسبابدن ماعدا هیچ برسبیله ضرر وزیان ادعاسی مسموع اوله میه جغفی مدافعة درمیان ایتسی اوزرینه اولبابده اجرا قلنان محاکمه وتدقیقات نتیجه سنده اعشار نظامنامه سنک قرق التنجی ماده سنده هر نه قدر حاصلات عشریه نک کلیسی استحصال اولنه میهرق ملترم فوق العاده ضرره اوغرا دینی تقدیرده عبارده سی ضررک کلیتی اشراب ایده یوز ایه سده عبارده مذکوریه ولی ایدن اشبو ضررک تحقق ایده جک مقداری با اراده سنیه بدل التزامدن تنزیل اولنور جمله سی ضررک جزئی وکیلی اولسون قبولی احساس ایتدیردیکی کی نتیجه محاکمه دخی ملترم مومی الیهک سنه مذکوره اعشارندن طولایی اون طقوز بیک یوز التمش الی غروش ضرریده اولدینی تحقق ایتدیکنه حکمدن ومستدعی تمیز وکیلک اشبو حکم علیه نه لایحه سنده محرر اعتراضاتک باشلوجه سی اعشار نظامنامه سنک قرق التنجی

ماده سی موجب مجبه ملتزم فوق العاده ضرره
او غرادی بی حاله تنزیل بدل ادعاسنه حتی اولوب
یوقسه مقداری آز اولان بوکی ضرر دعوایرینک
استماع اولمه جنی بدیهی ایکن محکمه مذکوره جه
برمنوال محرر قرار ویرلسی مغایر اصول و قانون
اولدیفندن بحثله اعلامک تقضی و لایحه جوابیه
مؤداسی دخی اعتراض مذکور غیر وارد اولدیفندن
ردیله موافق اصول و قانون اولان اعلام مذکورک
تصدیقی استدعاسندن و سالف الذکر مطالعه نامه
مندرجاتی دخی لایحه تمیزیه ده سرد اولنان
اعتراضات شایان قبول اولمه جفتندن ردی لازم
کله جکی بیانندن عبارت بولمشد

ایجابی مذاکره اولندقد اعلام مذکور
مألندن منقهم اوزره بدل اعشاردن تنزیلات
اجرا ایدلک ایچون اعشار نظامنامه سنک قرق
التمهی ماده سی موجب مجبه وقوعوله حق ضررک کلی
اولسی مشروط اولدینی حاله محکمه مذکوره جه
ماده مذکوره به یا کلش معنی ویریلرک جزئی
درجه ده بولنان ضرر مذکورک بدل اعشاردن
تنزیله حکم ایدلسی قانونه مغایر و مستدعی تمیز
بانقه وکیلنک اعتراضی وارد و موافق نفس الامر
اولدیفنه بناءً اصول محاکمه حقوقیه قانوننک
ایکیوز اتوز ایکنجی ماده سی موجب مجبه اعلام

رسمو قصبه سنده مقیم یونان دولتی تبعه سندن
مانولی منوحا کی ایله قصبه مذکوره ساکنلرندن
انطونی سقولوزی بیننده متحدت دعوایه دائر
کرید استیناف محکمه سندن ۲۵ مایس سنه ۳۱۰
تاریخی و التمشیدی عددی ایله ویریلان اعلام
مرقوم مانول منوحا کی جانبندن تمیز ایدلکله
دولت مشارالیه قیجیلاریه سی تر جانلرندن موسیو
فیقارو حاضر اولدینی حاله اعلام مذکور
طرفینک اعتراض و جواب لایحه لر یله بالمطالعه
تدقیقات تمیزیه اجرا سنه ابتدار قلندی

اعلام مذکورک خلاصه مآلی مرقوم
انطونی سقولوزینک مزبور مانولی منوحا کی
و شرکاسی نامه محرر و ممضی اولوب کندوسنه
دور و حواله اولتمش اولان برقطعه سند موجب مجبه
اله جنی اولان التمشیک ایکیوز یکریمی بحق غروشک
بیک سکز یوز سکسان درت سنه میلادیه سی
شهر نیسانی ابتداسندن اعتباراً حین تسویه سنه
قدر فائضیه برابر مرقوم مانول منوحا کی
و شرکاسندن مع اجرای موقت تحصیل
حقنقه رسمو بدایت محکمه سنه بالمراجعه
اقامه ایدلکی ادعانک ردینه دائر محکمه مرقومه دن
صادر اولان اعلام علیهنده مرقوم انطونی
سقولوزی جانبندن وقوعبولان استیناف دعواسی
اوزربنه عند الاستیناف اعلام ابتدائینک اسباب
قانونیه دن طولایی فسختندن صکره اساس ماده
حقنقه اجرا قلنان محاکمت و تدقیقات استینافیه
نتیجه سنده مستأنف علیه مرقوم مانولی منوحا کی
مبالغ مدعایی حاوی اولان سنک محیلرک عدم
مسئولیتی شرطیه مدعی به اعطا ایدلکی مدافعه
درمیان ایتش ایدسه سند مذکورک بلا شرط
مستأنف مرقوم انطونی سقولوزی به اعطا
اولتمش اولدینی مستأنف مرقومک اولباید
اجرا قلنان تحلیفیه تحق ایتش اولدیفندن

مدعایه التمشیک ایکیوز یکریمی سکز بحق غروشک
دعوی تاریخی اولان بیک سکز یوز سکسان
سکز سنه میلادیه سی شهر تشرین ثانیینک
طقوزنجی کونندن اعتباراً فائضیه برابر مستأنف
مرقومه تأدییه سنه مرقوم مانولی منوحا کی
مجبور طوتلسنه و فقط مستأنف مزبورک فضله
فائض حقنقه کی ادعاسنک ردینه حکمدن
و مستدعی تمیز مانولی منوحا کی اشبو حکم
علیهنده لایحه سنده محرر اعتراضاتنک باشلوجه سی
مستأنف مرقومک عندالحاکمه اثبات مدعا ضمنتده
ابراز ایدلکی دفاترک قانون دائره سنده تنظیم
ایدیله مامش اولسنه مبنی غیر معتبر اولسی لازم کلور
ایکن دفاتر مذکوره مندرجاتنک مدار حکم اتخاذ
اولسی و مبلغ مدعایه کلیاً انکار ایدلکی حاله
بالعکس انکار واقعک اقراره محمول طوتلسی
یولسز و مخالف قانون بولتمش اولدیفندن بحثله
اعلامک تقضی استدعاسندن و مدعی علیه انطونی
سقولوزینک لایحه سنده مندرج نتیجه اجوبه سی
دخی حکم واقع موافق اصول و قانون اولدینی
بیانیه اعتراضات مسروده نک ردی و اعلامک
تصدیقی طلبندن عبارت بولمشد

ایجابی مذاکره اولندقد اعلام مذکور
مألندن منقهم اولدینی اوزره برمطلوبک بشقه سنه

دور وحواله سنك قاعدة بلا شرط وقوع بولسى
اقتضا ايتمسنه نظراً عكسى ادا ایدن كمنه سنك
بوابده كى مدعاسنى اثبات ايتك واثبات ايدمه مدعى
حاله خصمه يمين وريديرمك لازم كلور ايكن
بوداره قانونيه ده اجراى معامله اولمقسنين
برمنوال محرر حكم اولمقى يولسز ومغاير
اصول وقانون بولمىش اولديغندن اصول محاكمه
حقوقيه قانونك ايكوز قرق برنجى ماده سى
موجبجه اعلام مذكورك نقضيله قانون مذكور
ايكوز قرق دردنجى ماده سى حكمه توفيقاً
كيفيتك برمنوال مشروح اعلامه ربطى ضمننده
محكمه مذكوره اعاده سنه وزيرده مفرداتى
مرفق دريوز اوتوز اوج بحق غروش مصارف
تميزينهك ايلروده حقسنز چيقه جق طرفه رجوع
ايتك اوزره اول امرده مستدعى تميز يوركى
مانولى منو حاكيدن اخذينه ۲۹ نيسان سنه ۳۱۲
تاريخنده متفقاً قرار ويرلدى .

اعلام مذكورك خلاصه مالى قضاء
مذكور زراعت بانق شعبه سى وكيل ارئين افا
منافع صندوقندن مدور برقطعه سند موجبجه
بانق مذكورك مرقوم طاهر افا ذمتده الهجنى
اولان اوچيوز اللى بش غروشك مع فائض
ومصارف محاكمه واجرت وكالت مديون مرقومدن
تحصيلنى طلب ودعوى وبرقطعه سند ابراز
واعطا ايتمسنه قارشو مدعى عليه مرقوم طاهر افا
دخى مبرز سند زيرنده كى مهر كندوسنك ايسده
مبلغ مدعاهدن ايكوز غروشى الوب اوست
طرفى المدينى وبوكا دائر اولان اقرارنده كاذب
اولديغنى مدافعه درميان ايتمى اوزرينه جريان

ايدن محاكمه وتدقيقات نتيجه سنده مبلغ مدعاهدن
ايكوز غروشى مدعى عليهك دينى اولديغنى
اقراريله ثابت اولديغنه مبنى مجلهك بيك سكر
يوز اون يدنجى ماده سى موجبجه مذكور ايكوز
غروشك تاريخ سندن حين تأديه سنه قدر
ايشليهك فائض نظاميسى ويوزده بش اجرت
وكالت ايله تحصيلنه ومدعينك زياده ادعاسنى
مدعى عليهك كاذباً اقرار ايتديكى بيانيله دفع
واقرارنده كاذب اولديغنه دائر مدعينك تحليفنى
تكليف ايتمى اولديغنى حالده مدعى مرقومك
يميندن نكول ايتمى اولمسنه بناء زياده دعواسنك
ردينه حكمندن ومستدعى تميز بانق مذكور
وكيلك ايشيو حكم عليهنده لايحه سنده محرر
اعتراضاتك باشلوجه سى دعواى واقعه منافعى
عمومه عايد اولان زراعت باقه سنه متعلق اولديغندن
تشكيلات محاكم قانونك ماده مخصوصه سى حكمجه
اثنائى رؤيتنده مدعى عمومينك حاضر بولنديرله رق
مطالعاه سنك استماعى لازم كلور ايكن استماع
ايدلامسى يولسز ومخالف قانون اولديغندن بحثله
اعلام مذكورك نقضى ومدعى عليه مرقوم طاهر
اغانك جواب لايحه سنده محرر نتيجه اجوبه سى
دخى سرد اولنان اعتراضاتك واهى وبى اساس
اولديغنى بيانيله ردى وموافق اصول وقانون

ايجابى مذاكره اولندقه اعلام مذكور
مطالعاه سندن اكلاشديغنى اوزره دعواى واقعه
منافع عاميه متعلق اولان زراعت باقه سنه عايد
اولوب تشكيلات محاكم قانونك ماده مذكوره
موجبجه اجرا قلنان محاكمه سنده مدعى عمومينك
حاضر بولنديرله رق مطالعه سنك استماع اولمقى
لازم كلور ايكن محكمه جه بويولده اجراى معامله
ايدلمقسنين حكم ايدلمسى يولسز ومغاير قانون
اولديغندن اصول محاكمه حقوقيه قانونك ايكوز
اوتوز ايكنجى ماده سى موجبجه اعلام مذكورك
نقضيله قانون مذكورك ايكوز قرق دردنجى
ماده سى حكمه توفيقاً كيفيتك بالرؤيه اعلامه
ربطى ضمننده محكمه مذكوره اعاده سنه وزيرده

مفرداتی مرقم اوچیوز قرق اوج بچق غروش
مصارف تمیزیه نك ایلروده حقسنز چقه جبق
طرفه عائد اولق اوزره اول امرده مستدعی
تمیزدن النخسه ۱ کانون ثانی سنه ۳۱۲ تاریخده
متفقاً قرار ویرلدی .

مرقوم استریو خرسنو قریفك بالذات محكمه
مذکورده حاضر بولنمسی لازم کله جکی وشاید
کلز و طرفندن مصدق سندله بروکیل کوندرمز
ایسه حقنده معامله غیایه اجرا اولنه جفی معلوم
اولمق اوزره تنظیم اولنان دعوتیه ورقه سی
محكمه نك دیوانخانه سنه تعلیق اولدینی کی اوراق
حوادث واسیطه سیله دخی اعلان قلندی .

۲۴ محرم سنه ۳۱۸

۱۰ مایس سنه ۳۱۶

اعلان

بك اوغلنده طاطالده سودجی مانديره سنده
مقيم سودجی ديمتری لازو قره قوسطه نك بيوك
لنغه كليسا قارشوسنده حاجی پاولينك ميخانه سنده
ميخانه جيلك ايتمكه ايكن محل مذکوردن غيبوت
ايتديكي واليوم اقامتکاهی مجهول بولنديني خبر
ويريلان استريو خرسنو قريف علينه درسمعات
ايکنجی تجارت محكمه سنده اقامه ايلديكي اون
سكز عدد ليرای عثمانی مطلوبات ادعاسی بيك
اوچیوز اون التي سنه سی مایسنك اوتوز برنجی
چهارشنبه کونی ساعت التیده فصل ورؤیت
اولنه جغندن يوم ووقت مزبورده مدعی علیه

یوان وکیلی کراسته جیلرده واقع مغازه ده
مقيم توفیلوسك چهارشنبه بازارنده قره غول
اتصالنده مغازه ده کراسته جيلك ايتمكه ايکن
مغازه مذکورى ترك ايله غيبوت ايتديكي واليوم
اقامتکاهی مجهول بولنديني خبر ويريلان بدوس
غاريب اوغلی علينه درسمعات ايکنجی تجارت
محكمه سنده اقامه ايلديكي درت بيك التیوز الی
ايکی غروش مطلوبات ادعاسی بيك اوچیوز اون
التي سنه سی مایسنك اوتوز برنجی چهارشنبه

اولنه جفی بك اوغلی بدايت محكمه سی اجرا مأموری
جانبدن اعلان اولنور .

۸ نیسان سنه ۳۱۶

علکساندر اوقیان اقدینك حاجی فلک زاده
حسن اقدی ذمتنده محکوم به اله جفی اولان
مبالغك تأمین استیفاسی ضمننده غلطده طوبخیلر
جاده سنده بك زاده زقاقنده واقع قرق اوج
ویوز اون نومرولو مع اوطه دکانلرده مدیون
مومی اليك یوز یکرمی سهم اعتباريله اون بش
سهمدن ربغك حجزیله فروختی تحت قراره
النهق لدی المزیاده سکز یوز غروش التون
اچه بدل ايله طالبی عهده سنده تقرر ایتمش
اولدیندن تاریخ اعلاندن اعتباراً اوتوز برکون
ظرفنده یوزده بش ضمیمه طالب اولانلرك بك اوغلی
اجرا دأره سنه مراجعت ایتلری و اوتوز برنجی
کونی مذکور دکانلرك پیشگاهنده حاضر بولنملری
دأره مذکور جانبدن اعلان اولنور .

۲۲ نیسان سنه ۳۱۶

کونی ساعت التیده فصل ورؤیت اولنه جغندن
مرقوم بدوس غاریب اوغلنك يوم ووقت مزبورده
بالذات محكمه مذکورده حاضر بولنمسی و یا خود
مصدق سندله بروکیل کوندرمسی لازم کله جکی
وشاید کلز و وکیل کوندرمز ایسه حقنده معامله
غیایه اجرا اولنه جفی معلوم اولق اوزره تنظیم
اولنان دعوتیه ورقه سی محكمه نك دیوانخانه سنه
تعلیق اولدینی کی اوراق حوادث واسطه سیله
دخی اعلان قلندی .

۲۴ محرم سنه ۳۱۸

۱۰ مایس سنه ۳۱۶

صراف خرملوسك فاطمه خانم ذمتنده
بااعلام محکوم به اله جفی اولان معلوم المقدار مبالغك
تأمین استیفاسی ضمننده مدیونه مزبورده نك
متصرفه اولدینی سلطان بایزیدده قالیچه جی حسن
محل سنده مدرسه زقاقنده التي نومرولی برباب
خانه سی دانك طلب واستدعاسی اوزرینه
بك اوغلی بدايت محكمه سی ریاست اولیسی جانبدن
اعطا قلنان قراره توقیقا تحت حجزه النمش
اولغله تاریخ اعلاندن اعتباراً اون بش کون صکره
سالف الذکر خانه نك بالمزیاده فروخته تشبث

معلومه نك تأمین استیفا سچون مرهون وفروختی
محكوم بولنان كدك پاشاده بوستان عالی محله سنده
خان ایچی زقاغنده دلبندجی خانی نامیله معروف
مقدما خان والیوم یکریمی درت نومرولو عرصه
تخمیناً طقسان بش آرشوندن عبارت اولوب
درونده بر عدد قلبه و مقدار مذکور دروننده
اولیق اوزره باغچه نك اون بش کون صکره
بالمزایده فروخته تشبث اولنه جنی در سعادت
اعلامات نظامیه اجرا دأرسندن اعلان اولنور .

۲ مایس سنه ۳۱۶

عایشه صدیقه خانمك با اعلام نظامی حبیه
خانم ذمتنده محكوم به الهجنى اولان مبالغك تأمین
استیفا سچون مدیونه نك متصرفه اولدینی ایاصوفیه
کیر محله سنده باب هایون جاده سنده ایاصوفیه
میداننده واقع تخمیناً یوز سکز آرشون عرصه
اوزرینه مبنی مکرر یتشیدی نومرولو بر باب
اشکنبه جی دکانی نصف حصه سنك اون بش کون
صکره بالمزایده فروخته تشبث اولنه جنی
در سعادت اعلامات نظامیه اجرا دأرسندن
اعلان اولنور .

۹ مایس سنه ۳۱۶

مطبعة عامره

عطیه خانمك خراسانجی اغوب اغا ذمتنده
با اعلام الهجنى بولنان مبالغك تأمین استیفا س
ذمتنده محكمه جانبندن تحت حجزه النان
در سعادتده لالهلی جوارنده چقور چشمده
بلبان اغا محله سنده واقع بر طرفی داینه عطیه
خانم عهده سنده بولنان الی نومرولی دکان محلی
و بر طرفی کمال پاشا ورته سی منزللری و دیگر
طرفی بعضاً عطیه خانم و بعضاً مدیونه نك متصرف
اولدینی ۵۴ و ۵۶ نومرولو سودجی دکانی
و طرف رابی طریق عام ایله محدود الی ایکی
نومرولو دروننده فرون باقی اولدینی حالدیه الیوم
بوزاجی دکانی ۵۴ و ۵۶ نومرولو سودجی
دکانی مذکور محلك اوزرنده واقع متصرف
اولدینی اوطه لری تاریخ اعلاندن اعتباراً اون
بش کون صکره بالمزایده فروخته مبادرت اولنه جنی
اسکدار اجرا دأرسندن اعلان اولنور .

۱ مایس سنه ۳۱۶

عایشه خانمك در سعادت بدایت محكمه سی
برنجی حقوق دأرسندن استحصال ایلدیکی
بر قطعه اعلام موجبجه اقامتگاهی مجهول
دلبندجی کرقور ذمتنده الهجنى اولان مبالغ